



# KESATUANDO

PRAYERUNITED

## PENGUMUMAN KEPADA GEREJA-GEREJA

6HB JANUARI 2014

### SERBUAN PIHAK BERKUASA ISLAM KE ATAS LEMBAGA ALKITAB MALAYSIA **SERUAN NASIONAL UNTUK BERDOA**



Berdasarkan pada beberapa perkembangan serius berikutan daripada serbuan baru-baru ini oleh Jabatan Agama Islam Selangor (JAIS) terhadap Lembaga Alkitab Malaysia (Bible Society Malaysia, BSM) di mana enam belas kotak Alkitab dan kitab Bup Kudus telah dirampas, KD menyeru semua jemaah Kristian dan gereja-gereja untuk datang bersama-sama mendukung doa-doa berikut dengan bersepadu dan berwaspada:

1. Mendukung pemimpin-pemimpin gereja dalam doa. Berdoalah untuk perpaduan, kebijaksanaan, keberanian dan kekuatan untuk mereka menyelesaikan isu ini dengan pihak berkuasa, dan semasa mereka menjalankan panggilan Allah kepada kepimpinan dalam gereja-gereja di Malaysia di masa-masa genting ini.
2. Berdoalah untuk pemimpin-pemimpin nasional, kerajaan dan pihak berkuasa yang berkenaan, di dalam menangani isu-isu sensitif yang berkaitan dengan bangsa dan agama. Berdoalah agar mereka melaksanakan tugas mereka dengan penuh bertanggungjawab, berintegriti, keadilan, dan perhatian yang tulus untuk kesejahteraan bangsa.

3. Berdoalah untuk polis supaya mereka berlaku adil dan saksama, serta menegakkan undang-undang. Berdoa agar pihak polis akan melindungi dan mempertahankan hak-hak kaum minoriti di negara ini, dan tidak berkompromi dengan orang-orang yang mencari kesempatan menggunakan undang-undang untuk kepentingan agenda diri sendiri. Berdoa agar mereka akan selalu bertindak untuk mamastikan keselamatan dan keamanan ahli-ahli gereja dan kesucian semua tempat-tempat ibadat.
4. Berdoalah untuk Gereja supaya menjadi kuat dalam menghadapi susulan tekanan, ugutan dan serangan yang dirancang. Berdoalah untuk orang Kristian di negara ini supaya terus menjadi orang yang cintakan keamanan tidak membenarkan diri mereka mudah dihasut tetapi sentiasa aktif menjadi agen keamanan dan perdamaian, yang terus-menerus mengasihi orang-orang yang memperlakukan mereka secara tidak adil.
5. Dalam Kenyataan Media Persatuan Kristian Malaysia (CFM), berdoalah supaya "semua orang Kristian ... berwaspada bersama berdiri untuk hak-hak perlembagaan mereka dan dalam doa, dan tetap tenang di tengah-tengah masa-masa dugaan ini. Kami berseru kepada Allah untuk memiliki perasaan yang baik dan kebijaksanaan yang diguna pakai di tanah yang kita cintai ini."
6. Akhir sekali, sila doakan permohonan Gereja Katolik untuk mendapatkan kebenaran untuk membuat rayuan, yang akan didengar oleh Mahkamah Persekutuan pada 24 Feb 2014. Berdoalah juga untuk Jill Ireland Lawrence Bill dan kes-kes SIB Sabah yang juga ditetapkan untuk dibicara di dalam Mahkamah Tinggi.

---

---

### 2 Tawarikh 7:14

"dan umat-Ku, yang atasnya nama-Ku disebut, merendahkan diri, berdoa dan mencari wajah-Ku, lalu berbalik dari jalan-jalannya yang jahat, maka Aku akan mendengar dari sorga dan mengampuni dosa mereka, serta memulihkan negeri mereka." (TB)

---

---